

REFERAT US - Utoqqaat siunnersuisoqatigiiffiat d. 04-09-2018

Mødedato Tirsdag d. 04. september 2018 kl. 18:00

Mødested Kommunalbestyrelsep ataatsimiittarfia

Indholdsfortegnelse

Imaqarniliaq.....	3
-------------------	---

Punkt .: Imaqarniliaq

Utoqqaat Siunnersuisooqatigiiffiata aamma Isumaginninnermut Suliffeqarnermullu Ataatsimiititap ataatsimiinneranit imaqarniliaq

Ataatsimiinneq pivoq: Pingasunngorneq septembarip sisamaani nal. 14.00-mit 15.00-p
tunganut 2018

Uani: Kommunalbestyrelsip ataatsimiittarfiani

Ataatsimeeqataapput:

Laannguaq Lyngø, siulittaasoq (LL)
Søren Joelsen, siulittaasup tullia (SJ)
Loritha Henriksen, ilaasortaq (LH)
Bodil Karlshøj Poulsen, ilaasortaq (BKP)
Jonas Napātôq, ilaasortaq (JN) – pisinnaanani peqataangilaq
Charlotte Ludvigsen (IA) Siulittaasoq
Inge Olsvig Brandt (IA)
Rasmine Geisler (IA)
Randi Vestergaard Evaldsen (D)
Rolf Pike (S)

Isak Nielsen Kleist, Pisortaq (ISNK)
Cecilie V. Schierbeck, Pisortaagallartoq (CVS)
Lars Jørgen Kleist, allatsi (LJK)

Ataatsimiinnermi oqaluuserineqartut makkuupput:

Isumaginninnermut Suliffeqarnermullu Ataatsimiititaliami siulittaasoq Charlotte Ludvigsen (CL) ataatsimiinnermut tikilluaqqusivoq. Utoqqaat Siunnersuisooqatigiiffianni ilaasortatut aamma Isumaginninnermut Suliffeqarnermullu Ataatsimiititaliami ilaasortatut ataatsimeeqataasut tamarmik imminnut ilisaritipput.

1. Utoqqaat Peqatigiiffianni "PALLEQ"-mi ilaasortat utoqqaat ornittagaat blok 10-miittoq:

Utoqqaat amerlasuut Utoqqaat Peqatigiiffiata inaanut blok 10-mi init quleriit allersaanniittumut orniguttarput. Utoqqaat Siunnersuisooqatigiiffiata utoqqaat sinnerlugit ornittakkap blok 10-miittup iigaata ingutserneratigut allilerneqarnissaanik kissaateqarnera tungavagalugu Isumaginninnermut Suliffeqarnermullu Ataatsimiitami ilaasortanik ataatsimeeqateqarnermi eqqartorneqassasoq Utoqqaat Siunnersuisooqatigiiffianit kissaatigineqarpoq.

Ornittagaq massakut inikippallaarpoq, ulluinnarnilu orniguttut amerlagaangata inimi silaannarissarfiit pitsaanngimmata silaannalutturujussuusarpoq. Taamatuttaaq ataasiinnarmik perusersartarfeqarpoq – tamannalu arnat angutilu ornittakkamiittarmata ajornartorsiutaavoq.

Utoqqaat Siunnersuisooqatigiiffiat aggustimi kingullermik ataatsimiimmat ajornartorsiutit qulaani taaneqartut eqqartorneqarlutillu annerusumik eqqartorneqarnissaat kissaatigineqarpoq, annerusumillu eqqartornerini Utoqqaat Peqatigiiffiata "PALLEQ"-p ornittakkamik pineqartumik ulluinnarni ingerlatsisuusup peqataatinneqarnissaa pingaartinneqarpoq.

Ataatsimiitami siulittaasoq Utoqqaat Siunnersuisooqatigiiffiata nalunaarutai pillugit qujavoq, siulittaasullu oqaatigaa ornittakkap iigaata ingutserneqarnissaa Utoqqaat Peqatigiiffianit nammineq siornatigut kissaatigineqareermat Ataatsimiitamit tamanna ilisimaneqartoq – A/S Inimulli saaffiginnissutigineqareeraluartoq ajoraluartumik piviusunngortinneqanngitsoq. Siulittaasup aamma ilisimatitsissutigaa tamatuma iliuseqarfigineqarnissaa anguniarlugu kommune misissuileruttortoq.

Inuit Ataqaatigiit Demokratillu suleqatigiinnissamik isumaqatigiissutaanni - piffissami qinigaaffimmi 2017- 2021-mi atuuttumi – anguniakkat naapertorlugit allassimavoq Utoqqaat Ornittagaat qanoq nutarterneqartariaqarnerisut misissorneqassasoq.

TUJJUK-mmi sanaartornerit

TUJJUK-mmi iliveqarfitoqqap eqqaaniittumi inissianik nutaanik sanaartortoqarneranut atatillugu qanoq pilersaaruteqartoqarnerisooq Utoqqaat Siunnersuisooqatigiiffianit apeqqutigineqarpoq. Tamatumani utoqqaat aamma eqqarsaatigineqarsimasut taamatuttaaq utoqqaat init quleriit allersaanniittunut initaartinneqarumaartut kiisalu utoqqaat ornittagassaannik pilersitsisoqarnissaanut nunaminertaliisoqarumaartooq Utoqqaat Siunnersuisooqatigiiffianit tusarneqarsimavoq.

Tamatumunnga atatillugu Utoqqaat Siunnersuisooqatigiiffiata oqaatigaa, TUJJUK-mmi sanaartortoqarnissaanut pilersaarusiorderit piffissami qinigaaffimmi kingullermi - tassa 2013-2017-imi - aallartinneqarnerat politikikkut nalunaarutigineqarmat aamma nalunaarutigineqarsimasooq utoqqaat init quleriit allersaanniittunik initaartinneqarnissaat ininillu atugassaqartinneqarnissaat/ornittagassaannik pilersitsisoqarnissaa sallinneqarumaartut. Utoqqaat Siunnersuisooqatigiiffiat TUJJUK pillugu suliniummik ingerlatsisoqarneranut atatillugu qaammarsaaneq Pilutami ingerlanneqarmat peqataavoq, tamatumani utoqqaat atugaat kissaataallu pillugit oqaaseqaateqartoqarsinnaasimavoq, oqaaseqaatillu kommunimit tusaatissatut tigulluarneqarsimapput.



Utoqqaat Siunnersuisooqatigiiffianeersut sineriammi illoqarfinni utoqqarpasut pitsaasunik atugassaqartitaanerattulli pitsaasunik atugassaqartitaanissartik tunngaviumik kissaatigaat. Qeqqata Kommuniani utoqqaat pitsaasunik atugassaqartitaanerat Utoqqaat Siunnersuisooqatigiiffianit assersuutitut taaneqarput. Utoqqaat Peqatigiiffii Qeqqata Kommunianittut Qeqqata Kommunianit ukiut arlalialuit matuma siorna ornittagartaartinneqarput, ornittagaallu ullutsinnut naleqquttunik perusuersartarfeqarput, ineqarput, inersuaqarput il.il.

Isumaginninnermut Suliffeqarnermullu pisortap naatsumik nalunaaruteqarnermini oqaatigaa, TUUJUK-mmi inissianik nutaanik initaartinneqartussat kikkussanersut kommunimi aqutsisoqatigiinnit paasinarneqaleruttortoq. Isumaginninnermut Suliffeqarnermullu Ingerlatsivik tamatumani soqutiginninnersoq aperineqarnikuuvoq – soqutiginninnerminillu nalunaaruteqareerpoq. Isumaginninnermut Suliffeqarnermullu Ingerlatsivik aqqissuusaanikkut angisuujuvoq, immikkoortortallu taassuma ataani inissimasut amerlapput soorlu innarluutilinnut najugaqarfiit il.il. Taamaammat TUUJUK-mmi inissianik nutaanik initaartinneqartussat kikkussanerannut aalajangiisoqannginneranni qulakkiigassat amerlapput – tamannali pillugu piffissami qaninnermi nalunaaruteqarumaarpoq.

Isumaginninnermut Suliffeqarnermullu Ataatsimiititami ilaasortap oqaatigaa, Utoqqaat Siunnersuisooqatigiiffiata nalunaarutai pillugit misissuisoqarnissaa ingerlatitseqqiisoqarnissaalu pingaaruteqartoq. Taamatuttaaq isumaqarpoq, soorlu kommunimi politikerisut soorlu Utoqqaat Peqatigiiffiannut attaveqarluni utoqqaat isumaannik tusarniaanikkut oqaloqateqartarnissaq pingaaruteqartoq.

Siulittaasoq Utoqqaat Siunnersuisooqatigiiffiata nalunaarutai pillugit qujavoq, nalunaarutigeriikkamisullu ataatsimiinnermi matumani eqqartorneqartut Isumaginninnermut Suliffeqarnermullu Ataatsimiititamat saqqummiutissanerarpai.

2. Utoqqaat nunanut allanut (Danmarkimut) nuttartut amerlapput

Utoqqarpasut nunatsinniit nunamut allamut nuttarnert Utoqqaat Siunnersuisooqatigiiffiannit eqqumaffigineqarlunilu eqqartorneqarpoq. Utoqqaat nunamut allamut nuttartut soq taama amerlatiginerannut suna tunngaviunersoq tamannalu kommunalbestyrelsimit misissuiffigineqarsimanersoq misissuiffigineqarnissalunniit pilersaarutaanersoq Utoqqaat Siunnersuisooqatigiiffiata Isumaginninnermut Suliffeqarnermullu Ataatsimiititamat apeqqutigaa.

Ataatsimiititap siulittaasuata oqaatigaa tamanna ataatsimiititamat eqqumaffigineqartoq. Maluginiarneqarsimavoq utoqqaat najukkaminni kommunigisaminnut nalunaarutigeqqaarnagu nunamut allamut nuttartut amerlasuujusut.

Ataatsimiititap siulittaasuata oqaatigaa, nunatsinniit nuttarnertup tunngavia ersarinnerusumik paasisaqarfigerusullugu Naalakkersuisut 2011-mi misissuisitsisimasut – tamatumani utoqqaat aamma eqqarsaatigalugit. Misissuisitsinermi inernerusut ilaatigut takutippaat, utoqqaat soraarninngoreeraangamik aappartik ilagalugu nunamut allamut (Danmarkimut) uterlutik nuuttartut.



Tamatuma saniatigut tunngaviusut allat makkuupput:

- Nunap allap (Danmarkip) kiannerunera
- Pitsorluttunut aqquserngit amerlanerunerat
- Utoqqalinersiat amerlanerunerat taakkulu inuussutissat il.il. nunami allami nuuffigisaminni akikinnerummata aannertunerunerat
- Utoqqaat Kalaallit Nunaata Peqqinnissaqarfiani atugaasa pitsaannginnerat

Ataatsimiititami siulittaasup erseqqissarpaa, Naalakkersuisut misissuisitsinermi inernerusut ukiunik arfineq-marlunnit amerlanerusunik pisoqaassuseqarmata nutaamik misissuisitsisoqartinnagu utoqqaat Danmarkimut nuttarnerrannut tunngaviusut ersarissumik paasisaqarfiunaviangitsut, taamatuttaaq Kommuneqarfik Sermersooq tamatumunnga atatillugu misissuititsinissaminut massakkut pilersaaruteqanngitsaq.

Taamatuttaaq Utoqqaat Siunnersuisooqatigiiffianeersut nuuttartut amerlanerujussuannut tunngaviusoq pillugu toqqaannartumik akissutissaqanngillat.

Utoqqalinersiat amerlassusiat - naalagaaffimmi atorfiliusimaneq apeqqutaalluni - nikinganerujussuat ilaatigut tunngaviusut isigineqartut ilagaat. Tamatuma saniatigut tapisiat assigiinngitsut aamma tunngaviunerpaat ilaattut isigineqarput. Assersuutigalugu soraarningoreersimasut nammineq illugisaminni suli najugallit aningaasartuutitut assigiinngitsunut soorlu; eqqagassanik isumaginninnermut, pujoorfimmik saliinnermut, kissarsuummik uuliatortumik saliititsinermut il.il. inummut tapinik Kommuneqarfik Sermersuumit pisartagaqarsinnaanngillat.

Taamaammatt utoqqarpasuit aningaasaqarniarnerup tungaatigut assoroorput, amerlasuullu aningaasartuutissaminut qitornaminnit ikiorneqartariaqartarput, taamaammallu inuunermi atukkatigut ajoraluartumik ilungersortarput, taamaattumik ullut tamaasa isumaalullutik itertarput. Utoqqaat Siunnersuisooqatigiiffianeersut isumaqarput, kommunini allani inummut tapisiaqartitsisoqartarmat ataasiaannakkamilluunniit ikiorsiissuteqartoqartarmat atukkatigut assigiinngisitsisoqartoq, utoqqarpasullu nammineq illugisaminni najugaqaannarnissaannik kinguneqartumik Kommuneqarfik Sermersooq tapinik pisartagaqalersitsippat iluaqutaasinnaasorujussuussasoq.

Taamatuttaaq Utoqqaat Siunnersuisooqatigiiffianeersut isumaqarput, Utoqqaat Illersuisuannik pilersitsisoqarnissaa ukiorpassuarni eqqartugaareermat piaartumik piviusunngortinneqartariaqartoq. Kommunalbestyrelse utoqqaat pitsaanerusunik atugaqalernissaat anguniarlugu Inatsisartunut sunniinialuni suliniuteqassasoq Utoqqaat Siunnersuisooqatigiiffianeersunit matumani eqqartuinerup naggataani kissaatigineqarpoq.

3. Utoqqaat Siunnersuisooqatigiiffiata utoqqarnik sullissinnermut tunngasutigit ilisimatitsissuteqarfigineqartarnissani tusarniaavigineqartarnissaniluunniit kissaatigaa.

Utoqqaat Siunnersuisooqatigiiffianeersut maluginiarsimavaat utoqqarnik sullissinnermut tunngasutigit amigartumik ilisimatitsissuteqartartoq kommunilu suliniutinik ingerlatsinnerminut atatillugu tusarniaanngippallaartartoq.



Ataatsimiititami siulittaasoq isumaqarpoq, Utoqqaat Siunnersuisooqatigiiffiat utoqqaat pillugit apeqqutitut tunngatillugu tamatigut tusarniaavigineqartassasoq. Tamanna ataatsimiititap tulliani ataatsimiinnerani qaqqinneqassaaq. Siulittaasup nassuerutigaa, Namminersorlutik Oqartussat tusarniaanermut piffissaliussaata sivikippallaakkajuttut, tamannalu Utoqqaat Siunnersuisooqatigiiffiata tusarniaaffigineqartannginneranik kinguneqartartoq.

4. Utoqqaat Siunnersuisooqatigiiffiata atuuffia

Utoqqaat Siunnersuisooqatigiiffianeersut Isumaginninnermut Suliffeqarnermullu Ataatsimiititap apeqqutigaaq Ataatsimiititap Utoqqaat Siunnersuisooqatigiiffiata atuuffianut tunngatillugu pilersaarutai suunersut?

Ataatsimiititami siulittaasup erseqqissaatigaa, Utoqqaat Siunnersuisooqatigiiffiata soorlu siunnersuineq, kommunip utoqqarnik sullissinnermut politikimik pilersitsiniarneranut aqqissuineranullu tunngatillugu kommunalbestyrelsimut attaveqarnek aammali Kommuneqarfik Sermersuumi utoqqaat sinnerlugit akunnermiliuttuoneq suliassatut akisussaaffigai. Taamaammat Utoqqaat Siunnersuisooqatigiiffiata piunera pingaaruteqartupilussuuvog.

Tamatumali saniatigut Utoqqaat Siunnersuisooqatigiiffiata Nuummi utoqqarnut taamaallaat sullissinnginnerata kisiannili Kommuneqarfik Sermersuumi tamarmi utoqqarnut sullissinerata nalunaarutiginissaa pingaaruteqarpoq. Innuttaasut utoqqarnik sullissinnermut tunngasutigut malinnaasinnaaqullugit Utoqqaat Siunnersuisooqatigiiffiata ataatsimiinneranit imaqarniliat Kommuneqarfik Sermersuup nittartagaanut Kommuneqarfik Sermersumit inissineqartassapput.

Innuttaasut aammalumi utoqqaat utoqqarnik sullissinnermut tunngasutigut malinnaasinnaaqullugit quppersagaaraliortoqarnissaa aamma Utoqqaat Siunnersuisooqatigiiffiata atuuffia pillugu paasissutissaliortoqarnissaa ataatsimiititami tusaatissatut tiguneqarpoq.

5. Oqaatigerusutat allat

Utoqqaat Siunnersuisooqatigiiffiani siulittaasoq Laannguaq Lyngge Isumaginninnermut Suliffeqarnermullu Ataatsimiititamik ataatsimeeqateqarnertik pillugu qujavoq, naggasiutigalugu nalunaarutigaa Elias Heilmann Utoqqaat Siunnersuisooqatigiiffiani ilaasortatut tunuareernerata kingorna Jonas Napattoq ilaasortanngorsimasog.

Ataatsimiititami siulittaasoq Charlotte Ludvigsen Utoqqaat Siunnersuisooqatigiiffianeersunik ataatsimeeqateqarnermut ilisimatitsissuteqaqatigiinnermullu qujavoq.